

Ҳомиладор бўлмаслик учун ҳозирда «спирал» деган нарса аёл ичига жойлаб қўйилади...

18:52 / 26.04.2016 4193

САВОЛ: Ассалому алайкум, ҳурматли Шайх ҳазратлари!

Мен уйланганман, аёлим ҳомиладор, яқинда фарзандли бўламиз. Шу борада саволим бор эди. Аёлим она бўлганидан сўнг маълум бир муддат жинсий алоқада бўлолмайман ва алоқага рухсат бўлганида яна ҳомиладор бўлиб қолиш эҳтимоли бор, ваҳоланки фарзандимиз ҳали анча кичкина ва аёлимга қийин бўлишини ўйлаган ҳолда вақтинчалик ҳомиладор бўлмаслик учун ҳозирда «спирал» деган нарса аёл ичига жойлаб қўйилади, буни қўллаш жоизми? Шу масалани, яъни «вақ-тинчалик ҳомиладан муҳофазаланиш» масаласини ойдинлаштириш имкони борми?

ЖАВОБ: Бисмиллаҳир роҳманир роҳийм.

Ҳадисларда бу иш азл деб аталади. Бу нарса эркак жинсий алоқанинг сўнгида уруғликни ташқарига тўкиши билан ҳосил бўлган. Ҳанафий, моликий ва бир қавлда шофеъий мазҳабларида аёлнинг беморлиги ва эмизикли боланинг соғлигига зарар етиши аниқ бўлганида, аёлнинг изни билан азл қилиш жоиз дейилган. Демак, эру хотин келишиб, адолатли табибларнинг зарар ҳақидаги гувоҳликларини олиб фақат вақтинча ҳомиланинг ман қилувчи воситаларини ишлатса бўлади. Ҳеч кимнинг ёдидан чиқмаслиги лозим бўлган ҳақи-қат-Исломда наслни чеклаш мутлақо мумкин эмаслигидир. Валлоҳу аълам.